



Inatsisartuni ilaasortaq Andreas Uldum, (Demokraatit)

### **Apeqqut nr. 186-imut akissut**

Inatsisartut Suleriaasianni § 37 naapertorlugu matuminnga apeqquilliisimavutit:

#### *Apeqqut 1.*

Naalakkersuisut siulittaasuata aalajangiusimanerlugu oqarami Kalaallit Nunaat siunissami qanittumi nunarsuarmi tunisassiornerpaat qulit ilagilerumaaraat, eqqarsaatigalugit nunat uranimik nunanut allanut tunisasssiortut.  
(Inatsisartunut ilaasortaq Andreas Uldum, Demokraatit)

#### **Tungavilersuut:**

Greenland Minerals and Energy (GME)-p nammineq nalilerpaa, Kuannersuarni 500 tonsitut annertutigisumik uranimik tunisassiorortoqalersinnaasoq, taanna anertussuseq millineqarpoq 250 tonsinut innuttaasut ataatsimiisinneqarmata.

Taamaassappat uranimik tunisassiorneq nunarsuarmi tunisassiornerup tamarmi-usup 1 procenterissavaa aamma Dansk Institut for Internationale Studierimi (DIIS) seniorforsker Cindy Vestergaard naapertorlugu Kalaallit Nunaat tunisasssiortut qulit annerpaat akornanniinnaviangiaq 250 tonsinik tunisasssiortarallartil-luni imaluunniit 500 tonsinik tunisasssiortilluni.

Taamaattumik soqutiginarpoq paasissallugu Naalakkersuisut siulittaasuata oqaatini aalajangiusimanerai imaluunniit piffissanngunnginnersoq naqqiinissaa.

#### **Akissut:**

Nunarsuarmi tunisassiornermi  $U_3O_8$  (424 t U) 500 t taamaallaat 1 %-it ataa'tunginnguaniimmat eqqorpoq.  $U_3O_8$ -mik 500 t-inik kisitsit GME-p tusarniaanermut allagaataaneersuuvoq (VVM aamma VSB). Ataani takussutissiami (2011-mi) nunarsuarmi uranimik tunisassiornerpaat qulit takuneqarsinnaapput.

23. september 2014  
Postboks 1601  
3900 Nuuk  
Tlf. (+299) 34 50 00  
Fax (+299) 32 56 00  
E-mail: isi-  
in@nanoq.gl  
www.nanoq.gl

Aatsitassarsiorfiit qulit taakku nunarsuarmi uranip tamarmiusup 50 %-ia sinnitsiarlugu tunisassiarivaat (Ilusiliaq 1).

Kuannersuit tunisassiornerpaat qulit akornanniissinnaaneramik oqaatigisaq eqqortuuvoq. Isumalluut JORC-imik naatsorsuutigisaq (takuuk ilusiliaq 2) misissoraanni maannakkut Kuannersuit tassaapput nunarsuarmi uraneqarfinni anginerpaani tallimaattut inissisimasoq. Kuannersuarni, ilanngullugulu Sørensenimik aatsitassa qarfiusumi isumalluutaasut tamarmiusut misissussagaanni Kuannersuarni uranimik isumalluutaasut nunarsuarmi annerpaat tullersortigaat – taamaallat Olympic Damimit qaangerneqarsimallutik.


Inussiarnersumik inuulluutaq qisilluta

  
Jens-Erik Kirkegaard

Takussutissiaq: 2011-mi uranisorfiit annerpaat

Aatsitas-sarsiorfik	Nuna	Nalingin-narmik piginnittoq	Suussuseq	Tunisassi-orneq (tU)	Nunarsuarmi%
McArthur River	Canada	Cameco	Nunap iluani	7686	14
Olympic Dam	Australia	BHP Billiton	Tunisassiap saniatigut/nunap iluani	3353	6
Arlitt	Niger	Somair/Areva	Aatsitas-sarsiorfik ammaan-nartoq	2726	5
Tortkuduk	Kazakhstan	Katco JV/Areva	ISL	2608	5
Ranger	Australia	ERA (Rio Tinto 68%)	Aatsitas-sarsiorfik ammaan-nartoq	2240	4
Kraznokamsk	Russia	ARMZ	Nunap iluani	2191	4
Bundenovskoye 2	Kazakhstan	Karatau JV/Kazatomprom-Uranium One	ISL	2175	4
Rossing	Namibia	Rio Tinto (69%)	Aatsitas-sarsiorfik ammaan-nartoq	1822	3
Inkai	Kazakhstan	Inkai JV/Cameco	ISL	1602	3
South Inkai	Kazakhstan	Betpak Dala JV/ Uranium One	ISL	1548	3
<b>Top 10 Katilugit</b>				<b>27,951</b>	<b>52%</b>

Ilusiliaq 1: Najoqqutaq: <http://www.world-nuclear.org/info/nuclear-fuel-cycle/mining-of-uranium/uranium-mining-overview/>



Ilusiliaq 2: Nunarsuarmi uranisorfinni annerpaat (Mlb's = Millioner pund).

Najoqutaq: GME